



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

RESOLUCIÓN POLA QUE SE APROBAN AS BASES E A CONVOCATORIA DO I PREMIO “JOSÉ GIL” DE AUDIOVISUAIS

Despois de ver os informes do servizo de Acción Social, Cultural e Deportes, da Secretaria Xeral e do servizo de Fiscalización

Don **VALENTÍN GONZÁLEZ FORMOSO**, Presidente da Deputación Provincial da Coruña,

RESOLVO:

Primeiro. Aprobar as Bases reguladoras do I Premio “José Gil” de audiovisuais, que figuran no Anexo - Bases Reguladoras.

Segundo. Dispoñer a publicación das bases deste programa no Boletín Oficial da Provincia da Coruña.

Terceiro. Aprobar a convocatoria do I Premio “José Gil” de audiovisuais, de conformidade coas bases reguladoras que figuran no Anexo – Bases Reguladoras.

O prazo de solicitude iniciárase o día 28 de abril de 2025, e finalizará o día 28 de maio de 2025.

Na modalidade C, a cal tramítase de xeito telemático, a través da plataforma de tramitación electrónica da Deputación (SUBTEL), o prazo de solicitude finalizará ás 14:00 horas deste día.

Cuarto. Remitir esta resolución, así como o extracto da convocatoria conforme ao Anexo - Extracto da convocatoria, á Base de Datos Nacional de Subvencións (BDNS), para a súa publicación a través do Sistema Nacional de Publicidad de Subvenciones y Ayudas Públicas, de conformidade co previsto nos artigos 17.3.b e 20.8.a da Lei 38/2003, de 17 de novembro, xeral de subvencións.

Quinto.- Aprobar o orzamento dos gastos derivados da convocatoria, que ascenden a un total de **24.500,00 €**, de acordo co seguinte detalle:

Concepto	Importe	Documento RC	Aplicación
Premio	19.500€ (3 premios de 6.500€)	220250008187	0612/3342/481
Honorarios do xurado, fixados de acordo co establecido na Base 30ª.4 das Bases de Execución do Orzamento para o ano 2025.	5.000€ (1.000 € x 5)		0612/3342/22609



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

Contra a presente resolución, que pon fin á vía administrativa, pódese interpor, alternativamente, recurso de reposición potestativo, no prazo dun mes perante o mesmo órgano que ditou o acto, ou recurso contencioso-administrativo, perante o Xulgado do Contencioso Administrativo da Coruña no prazo de dous meses, a partir do día seguinte a aquel no que teña lugar a notificación. Se se optara por interpor o recurso de reposición potestativo non se poderá interpor recurso contencioso administrativo ata que aquel sexa resolto expresamente ou se produza a súa desestimación por silencio.

Todo isto, sen prexuízo de que se poida exercitar calquera outro recurso que se estime pertinente.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

ANEXO - BASES REGULADORAS

I Premio "José Gil" de audiovisuais

BASES

Primeira.- Obxecto

Tendo en conta a significación especial que, para a produción e a difusión de películas e obras audiovisuais, posúe, dende hai tempo, a provincia da Coruña e coa finalidade de contribuír á memoria de personaxes singulares e representativos neste campo como foi José Gil, a Deputación da Coruña convoca o I Premio "José Gil" de audiovisuais.

José Gil foi pioneiro no reporteirismo fotográfico, o nacemento do cine ficcional e documental en Galicia, as primeiras produtoras e laboratorios cinematográficos, o cinema industrial e turístico, a lusofonía audiovisual, o cine educativo e científico, o cinema móbil, os noticiarios, a publicidade, o cinema da emigración, o arquivo fílmico e tantas outras achegas incuestionábeis do cineasta a prol da modernización de Galicia entre 1910 e 1935, representando sen dúbida o máis salientable pioneiro do cinema galego da nosa historia.

Segunda.- Solicitantes e candidaturas

Consta de tres modalidades diferenciadas:

A) Modalidade de guión de longametraxes de ficción en lingua galega

B) Modalidade de guión de longametraxes documental en lingua galega

En ambas modalidades poderán participar persoas maiores de idade, escritoras ou guionistas con proxectos de obras inéditas, non premiadas nin seleccionadas en ningún outro certame ou laboratorio, nin publicadas ou rexistradas, total ou parcialmente.

A orixinalidade da obra e a súa autoría xustificárase mediante unha declaración responsable na que se manifeste ser a persoa autora e titular de todos os dereitos.

En consecuencia, a Deputación Provincial da Coruña non se fará responsable das posibles denuncias por plaxio ou eventualidade similar que poidan xurdir, recaendo na persoa participante afectada as accións legais que procedan e asumirá, se é o caso, as indemnizacións que poidan corresponder polos prexuízos ocasionados a particulares ou á organización.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

As persoas participantes terán a obriga de comunicar á Deputación a concesión de calquera premio que obteña a obra presentada, no momento en que esta situación se produza, o que dará lugar á súa exclusión do premio.

Cada obra presentada poderá ser escrita por un máximo de dúas persoas autoras

C) Modalidade de traxectoria ou iniciativa de especial relevancia no audiovisual galego

Nesta modalidade poderán presentar candidaturas argumentadas todas as persoas físicas, maiores de idade, ou xurídicas interesadas na promoción do audiovisual galego

As persoas que formen parte do xurado poderán propor candidaturas que deberán facer chegar ao resto das persoas integrantes do xurado cando menos 72 horas antes da sesión de deliberación.

Candidaturas

Poderán presentarse candidaturas para a concesión do premio a persoas físicas maiores de idade, e xurídicas, por unha iniciativa ou traxectoria no campo do audiovisual galego.

Só se admitirá unha candidatura por persoa física ou xurídica.

Non se admitirán autocandidaturas.

Terceira.- Dotación

Establécense tres premios, dotados con **6.500€**, un para cada modalidade.

Esta cantidade está suxeita ás retencións legais que lle sexan aplicables.

Os premios poderán quedar desertos ou ser concedidos con carácter ex aequo; neste caso, os seus importes repartiranse proporcionalmente entre as persoas que resulten premiadas.

Os premios non poderán concederse a título póstumo, sen prexuízo dos dereitos de sucesión que poidan exercerse se as persoas premiadas falecesen despois da decisión do xurado.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

Cuarta.- Prazo

O prazo de presentación de solicitudes iniciárase o día 28 de abril de 2025, e finalizará o día 28 de maio de 2025, logo da publicación do extracto da convocatoria deste premio no BOP da Coruña, a través da Base de Datos Nacional de Subvencións.

Na modalidade C, a cal tramítase de xeito telemático, a través da plataforma de tramitación electrónica da Deputación (SUBTEL), o prazo de solicitude finalizará ás 14:00 horas deste día)

Quinta.- Envío da obra e documentación

A) Modalidade de guiión de longametraxes de ficción en lingua galega

B) Modalidade de guiión de longametraxes documental en lingua galega

En ambas modalidades para garantir o anonimato das solicitudes, a presentación realizarase baixo o sistema de **PLICA** coa presentación dun sobre pechado, a portes pagados, que indique no exterior o título do I Premio “José Gil” de audiovisuais, ao seguinte enderezo:

Deputación provincial da Coruña
Avenida Porto da Coruña 2
15003 A Coruña

Dentro deste sobre principal incluíranse dous sobres (sobre A para a obra e sobre B para a documentación). Ambos sobres indicarán o seguinte no exterior:

- I Premio “José Gil” de audiovisuais
- Modalidade á que se presenta
- Título da obra
- Un lema ou pseudónimo

Sobre A – Obra

- Incorporará o proxecto proposto en formato dixital, USB/CD, utilizando os tratamentos de texto Word, LibreOffice ou PDF, que deberá conter a seguinte documentación
 - Unha memoria explicativa do proxecto de guiión cun máximo de 10 páxinas rematadas
 - Unha sinopse detallada do contido da obra completa, cunha extensión máxima de 5 páxinas.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

- O argumento desenvolvido ou tratamento cun máximo de 40 páxinas do proxecto de longametraxe de ficción ou documental para ser filmada en versión orixinal en galego.

Requisitos:

- A obra deberá estar escrita en lingua galega
- O tema, xénero e a extensión das obras será libre.
- Cada obra presentada poderá ser escrita por un máximo de dúas persoas autoras

Sobre B - Documentación

Incorporará os seguintes documentos:

- Copia do documento de identidade
- Datos de contacto: enderezo, teléfono de contacto, correo electrónico
- Breve currículo
- Documento co seguinte contido:
 - Declaración responsable de que a persoa autora é titular de todos os dereitos e que a obra é inédita e que non foi premiada, até a data de presentación, en ningún outro certame ou premio
 - Cesión temporal dos dereitos de edición da obra (**título da obra**) á Deputación durante un prazo de trinta e seis meses, que se contarán dende a data de entrega do guión rematado e formateado profesionalmente.
- No caso de autoría conxunta, ademais da documentación anterior, deberá incluírse un documento explícito coa participación de cadaquén e a porcentaxe do premio pactada entre as persoas autoras e asinada por elas.

C) Traxectoria ou iniciativa de especial relevancia no audiovisual galego

Nesta modalidade, a convocatoria tramitarase de xeito telemático, a través da plataforma de tramitación electrónica da Deputación (SUBTEL).



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

Dado que a tramitación será telemática:

- Quen presente a candidatura deberá dispoñer dun único enderezo electrónico de contacto durante a tramitación do expediente, ao que se dirixirán as comunicacións; excepcionalmente, e de xeito xustificado, poderá modificar este enderezo inicial, sempre e cando se lle notifique o dito cambio á Deputación.
- Deberán dispoñer de certificado dixital.

A documentación a presentar é a seguinte:

- Memoria explicativa da candidatura no que se recollan os datos seguintes da persoa ou entidade proposta:
 - Nome da persoa, colectivo, asociación ou entidade; NIF
 - Nome representante, NIF
 - Enderezo postal
 - Teléfono
 - Enderezo electrónico
 - Enderezo web
 - Méritos que se alegan para a proposta de candidatura, tendo en conta os criterios indicados na base segunda desta convocatoria.
- Documentación acreditativa dos méritos da candidatura proposta
- Declaración de conformidade da persoa/entidade proposta coa presentación da candidatura.
- No caso de persoas xurídicas:
 - Acreditación da representación da entidade ou persoa en quen delegue na que se especifique o alcance da dita delegación (presentación telemática da solicitude e sinatura electrónica de toda a documentación necesaria para a súa tramitación).

Sexta.- Xurado

O xurado estará presidido pola Deputada de Cultura, quen actuará con voz e sen voto, e formarán parte del cinco persoas de recoñecido prestixio no ámbito do audiovisual nomeadas por ela.

As funcións de secretaría exerceraas a Secretaría da Corporación ou a persoa funcionaria en quen delegue.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

Para o nomeamento do xurado respectarase a presenza equilibrada de mulleres e homes, en cumprimento do disposto no artigo 70 da Lei 7/2023, do 30 de novembro, para a igualdade efectiva de mulleres e homes de Galicia.

As persoas que integren o xurado estarán sometidas ao deber de abstención nos casos sinalados no artigo 23 da Lei 40/2015, de 1 de outubro, de réxime xurídico do sector público.

A composición dos xurados daranse a coñecer, con anterioridade á súa reunión, no taboleiro de anuncios da sede electrónica co fin de que se poidan interpor, se é o caso, os recursos legais pertinentes.

Aplicarase o disposto na Lei 40/2015, do 1 de outubro, de réxime xurídico do sector público (LRXSP), Título preliminar, Capítulo II, Sección 3ª: Órganos colexiados das distintas administracións públicas”, artigos 15 a 18, no que se refire tanto á validez da súa constitución, como á actuación do xurado.

As deliberacións serán secretas e delas serán estendidas as actas correspondentes.

Sétima.- Concesión e pago

Concesión

O xurado poderá declarar deserto o premio ou ser concedido con carácter ex aequo.

A proposta de concesión que formule o xurado será obxecto da resolución da Presidencia, que resolverá a súa aprobación, previo informe do Servizo de Acción Social, Cultural e Deportes e do Servizo de Fiscalización.

A resolución de concesión do premio será dada a coñecer a través do Boletín Oficial da Provincia.

A) Modalidade de guión de longametraxes de ficción en lingua galega

B) Modalidade de guión de longametraxes documental en lingua galega

En ambas modalidades, se hai finalista, a plica correspondente á obra poderá ser aberta pola persoa que exerza a secretaría do xurado co fin de que, se a persoa autora o permite, poida darse a coñecer o seu nome.

As persoas premiadas terán un prazo de **6 meses**, desde a data de concesión do premio, para entregar un exemplar do guión rematado e formateado profesionalmente.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

A concesión definitiva do premio quedará condicionada a entrega das obras completas e á decisión do xurado, quen verificará que as obras responden á descrición dos proxectos iniciais.

Non se devolverán as obras presentadas non premiadas e a partir do día seguinte ao da decisión do xurado serán destruídas.

Pago

O pago dos premios nas **modalidades A ou B** realizarase en dous prazos:

- 40% , unha vez concedido o premio
- 60%, despois de que o xurado verifique que a obra responde á descrición do guión premiado

No caso de que o xurado non informe favorablemente que a obra responde á descrición do proxecto premiado ou no caso de incumprimento do prazo (inicial ou prorrogado) previsto para a entrega da obra completa, a persoa premiada deberá devolver o importe cobrado do 40% do primeiro prazo.

Para o cobro do premio, **nas tres modalidades**, a persoa premiada deberá presentar a seguinte documentación:

Residencia española:

- Certificacións das administracións tributarias correspondentes e da Tesourería da Seguridade Social nas que se acredite que a persoa está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que envíe un documento autorizando expresamente á Deputación provincial da Coruña ás consultas tributarias e non se opoña á consulta de datos da Seguridade Social.
- Comunicación de alta de datos bancarios para o rexistro de terceiros, que figura no apartado de impresos oficiais da páxina web da Deputación provincial da Coruña
- Certificación da titularidade de conta, expedida pola entidade bancaria.

Outra residencia:

- Copia do pasaporte ou DNI
- Certificado de residencia fiscal
- Declaración de non ter establecemento permanente en España
- Certificación de titularidade de conta bancaria



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

A presentación desta documentación para as tres modalidades, farase preferentemente por medios electrónicos a través do modelo "solicitud xeral" dispoñible na sede electrónica da Deputación da Coruña.

A sede electrónica admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluído o DNle).

Tamén poderá presentala en calquera dos lugares e rexistros establecidos na normativa reguladora do procedemento administrativo común.

A concesión e pago do premio será publicado na Base de Datos Nacional de Subvencións (BDNS).

Oitava.- Obrigas

A Deputación, que poderá publicar a obra premiada nas modalidades A e B, reservarase os dereitos de edición durante un prazo de trinta e seis meses, contados desde a data de entrega do guión rematado e formateado profesionalmente.

Novena.- Protección de datos

Os datos facilitados serán tratados pola Deputación da Coruña coa finalidade de tramitar esta convocatoria.

A participación nesta convocatoria implica aceptar a realización de fotografías e/ou vídeos pola Deputación da Coruña no certame de entrega dos premios ou no desenvolvemento das actividades complementarias.

As ditas imaxes poderán ser publicadas en:

- A páxina web e perfís en redes sociais da Deputación.
- Filmacións destinadas á promoción da actividade.
- Publicacións para dar a coñecer a actividade.

A lexitimación para o tratamento dos datos persoais baséase no cumprimento dunha misión de interese público.

Os datos poderán ser comunicados ás Administracións públicas para o exercicio das súas competencias e serán conservados de acordo co establecido na normativa de arquivo.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

As persoas interesadas poden exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Así mesmo se considera que o tratamento incumpre co establecido no RXPd pode reclamar perante a AEPD.

Poden consultar máis información relacionada coa protección de datos na nosa Política de Privacidade ou dirixindo un correo a delegadodeprotecciondedatos@dacoruna.gal.

Décima.- Aceptación das bases

A participación nesta convocatoria supón a total aceptación destas bases.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

ANEXO – EXTRACTO DA CONVOCATORIA

GALEGO

De conformidade co previsto nos artigos 17.3.b) e 20.8.a) da Lei 38/2003, de 17 de novembro, xeral de subvencións, publícase o extracto da convocatoria do I Premio “José Gil” de audiovisuais. O texto completo das Bases do premio pode consultarse na Base de Datos Nacional de Subvencións.

Primeiro. Beneficiarios

Consta de tres modalidades diferenciadas:

A) Modalidade de guión de longametraxes de ficción en lingua galega

B) Modalidade de guión de longametraxes documental en lingua galega

En ambas modalidades poderán participar persoas maiores de idade, escritoras ou guionistas con proxectos de obras inéditas, non premiadas nin seleccionadas en ningún outro certame ou laboratorio, nin publicadas ou rexistradas, total ou parcialmente.

C) Modalidade de traxectoria ou iniciativa de especial relevancia no audiovisual galego

Nesta modalidade poderán presentar candidaturas argumentadas todas as persoas físicas, maiores de idade, ou xurídicas interesadas na promoción do audiovisual galego.

Segundo. Obxecto

Convocar para o exercicio 2025 o I Premio “José Gil” de audiovisuais coa finalidade de contribuír á memoria de personaxes singulares e representativos no campo do audiovisual, como foi José Gil.

Terceiro. Bases reguladoras

A presente convocatoria rexerese polas Bases reguladoras publicadas no BOP.

Cuarto. Contía

O importe da consignación ascende a un total de 19.500,00€, con cargo á partida 0612/3342/481 do Orzamento ordinario para o ano 2025.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

Establécense tres premios dotados con 6.500,00€ cada un, que poderán quedar desertos ou ser concedidos con carácter ex aequo; neste caso, os seus importes repartiranse proporcionalmente entre as persoas que resulten premiadas.

Quinto. Prazo de presentación de solicitudes

O prazo de presentación de solicitudes iniciárase o día 28 de abril de 2025, e finalizará o día 28 de maio de 2025.

Na modalidade C, a cal tramítase de xeito telemático, a través da plataforma de tramitación electrónica da Deputación (SUBTEL), o prazo de solicitude finalizará ás 14:00 horas deste día.

Sexto. Outros datos

Nas modalidades A e B a presentación da obra realizarase en formato dixital, USB/CD, utilizando os tratamentos de texto Word, LibreOffice ou PDF, e xunto coa plica, serán enviados á Deputación provincial da Coruña, Avda. Porto da Coruña 2, 15003 A Coruña, indicando no sobre I Premio "José Gil" de audiovisuais.

A modalidade C tramitarase de xeito telemático, a través da plataforma de tramitación electrónica da Deputación (SUBTEL).

CASTELLANO

De conformidad con lo previsto en los artículos 17.3.b) y 20.8.a) de la Ley 38/2003, de 17 de noviembre, general de subvenciones, se publica el extracto de la convocatoria del I Premio "José Gil" de audiovisuales.. El texto completo de las Bases del premio puede consultarse en la Base de Datos Nacional de Subvenciones.

Primero. Beneficiarios

Consta de tres modalidades diferenciadas:

A) Modalidad de guion de largometrajes de ficción en lengua gallega

B) Modalidad de guion de largometrajes documental en lengua gallega

En ambas modalidades podrán participar personas mayores de edad, escritoras o guionistas con proyectos de obras inéditas, no premiadas ni seleccionadas en ninguno otro certamen o laboratorio, ni publicadas o inscritas, total o parcialmente.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

C) Modalidad de trayectoria o iniciativa de especial relevancia en el audiovisual gallego

En esta modalidad podrán presentar candidaturas argumentadas todas las personas físicas, mayores de edad, o jurídicas interesadas en la promoción del audiovisual gallego

Segundo. Objeto

Convocar para el ejercicio 2025 el I Premio “José Gil” de audiovisuales con la finalidad de contribuir a la memoria de personajes singulares y representativos en el campo del audiovisual, como fue José Gil.

Tercero. Bases reguladoras

La presente convocatoria se registrá por las Bases Reguladoras publicadas en el BOP.

Cuatro. Cuantía

El importe de la consignación asciende a un total de 19.500,00€, con cargo a la partida 0612/3342/481 del Presupuesto ordinario para el año 2025.

Se establecen tres premios dotados con 6.500,00€ cada uno, que podrán quedar desiertos o ser concedidos con carácter ex aequo; en este caso, sus importes se repartirán proporcionalmente entre las personas que resulten premiadas.

Quinto. Plazo de presentación de solicitudes

El plazo de presentación de solicitudes se iniciará el día 28 de abril de 2025, y finalizará el día 28 de mayo de 2025.

En la modalidad C, tramitada de forma telemática a través de la plataforma de tramitación electrónica da Deputación (SUBTEL), el plazo de solicitud finalizará a las 14:00 horas de ese día.

Sexto. Otros datos

En las modalidades A y B la presentación de la obra se realizará en formato digital, USB/CD, utilizando los tratamientos de texto Word, LibreOffice o PDF, y junto con la plica, serán enviados a la Diputación provincial de A Coruña, Avda. Puerto de A Coruña 2, 15003 A Coruña, indicando en el sobre I Premio “José Gil” de audiovisuales.



**DEPUTACIÓN PROVINCIAL
A CORUÑA**

Servizo de Acción Social, Cultural e Deportes

Expediente: 2024000044713

Convocatoria: 2025 PREM-JG

La modalidad C se tramitará de manera telemática, a través de la plataforma de tramitación electrónica de la Diputación (SUBTEL).